



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Conciliorvm Omnivm Generalivm Et Provincialivm Collectio Regia

Ab anno CCCCLI. ad annum CCCCLXXV.

**Parisiis, 1644**

II. Quod sacerdotes & diaconi ab vxoribus suis abstinere, atque ebrietatem vitare clerici omnes debeant.

**urn:nbn:de:hbz:466:1-14887**

Math. 5.

clesiæ, de quibus dictum est, *Vos estis lux mundi*, ANNO  
ita in omni sancta conuersatione a Dei timore a- CHAISTI  
ctus suos dirigant, vt & diuinæ possint placere cle- 461.

1. Cor. 7.

mentia, & bonum fidelibus præbeant exemplum: quia sicut væ eis, per quos nomen Dei blasphema- tur, ita illi immortalitatis gloriam consequentur, per quorum actus nomen Dei benedicitur. Si enim vniuersis fidelibus secundum apostolicam do- ctrinam castitas custodienda indicitur, vt qui ha- bent vxores, ita sint quasi non habentes; quanto magis sacerdotes Dei ac leuitæ diuino mancipati altario, custodire debent, vt non solum cordis, ve- rum etiam corporis puritatem seruantes, pro ple- be supplicaturi preces suas ad diuinum introire me- reantur auditum? quia secundum auctoritatem

Rom. 8.

Apostoli, *qui in carne sunt, Deo placere non possunt: vos autem non estis in carne, sed in spiritu.* & iterum:

Tit. 1.

*Omnia munda mundis: coinquinatis autem & infide- libus nihil est mundum, sed polluta est eorum & mens & conscientia.* Cum ergo laico abstinentia impere- tur, vt possit orationi vacans & Deum deprecans exaudiri; quanto magis sacerdotibus, vel leuitis, qui omni momento parati Deo esse debent in om- ni munditia & puritate, securi, ne aut sacrificium offerre, aut baptizare, si id temporis necessitas po- poscerit, cogantur? Qui si contaminati fuerint carnali concupiscentia, qua mente excusabunt, quo pudore vsurpabunt, qua conscientia, quo me- rito exaudiri se credent?

II.

Et licet a patribus nostris emissa auctoritate id

ANNO  
CHRISTI  
461.

fuerit constitutum, vt quicumque sacerdos vel leuita filiorum procreationi operam dare fuisset conuictus, a communione dominica abstinere: nos tamen huic distinctioni moderationem adhibentes, & iustam constitutionem molientes, id decreuimus, vt sacerdos vel leuita coniugali concupiscentiæ inhærens, vel a filiorum procreatione non desinens, ad altiorem gradum non ascendat, neque sacrificium Deo offerre, vel plebi ministrare præsumat. Sufficiat his tantum, vt a communione non efficiantur alieni. Sed vt hæc valeant obseruari, fomitem omnium vitiorum oportet abscidi, Apostolo præcipiente: *Nolite inebriari vino, in quo est luxuria.* Ephes. 5. Et quam graui ebrietas supplicio expiatur, idem apostolica manifestat doctrina, inter cetera dicens, neque fornicatores, neque idolis seruientes, neque ebriosos regnum Dei possessuros. Si quis vero in omni officio clericali Deo militans ab ebrietate se non abstinuerit, secundum status sui ordinem competens in eum vindicta tribuatur. 1. Cor. 6.

III.

Et quia nullum diabolo locum dari oportet, hoc præcipue custodiendum decreuimus, vt nullam clerici cum extraneis feminis habeant familiaritatem, ne vllum male loquendi vel sentiendi hominibus aditum tribuant: quia frequenter per hanc indecentem occasionem contingit, vt diabolus, qui insidiatur sicut leo in cubili suo, de ruina seruatorum Dei insultet. Si quis vero clericus, post interdictum episcopi sui, illicitis familiaritatibus ex-